

**NO. SOALAN: 66**

**PEMBERITAHUAN PERTANYAAN BAGI JAWAB LISAN  
DEWAN RAKYAT**

**PERTANYAAN : LISAN**

**DARIPADA : TUAN SIM TONG HIM [ KOTA MELAKA ]**

**TARIKH : 20 MEI 2015**

**RUJUKAN : 7868**

**SOALAN:**

**Tuan Sim Tong Him [ Kota Melaka ] minta **MENTERI DALAM NEGERI** menyatakan :-**

- (a) tempoh masa maksimum untuk seorang OKT ditahan dalam lokap polis tanpa reman dari mahkamah dan nyatakan undang-undang yang diguna pakai; dan
- (b) adakah ia juga terpakai dalam kes tangkapan di bawah Akta POTA dan Akta Hasutan 1948.

**JAWAPAN:**

**Tuan Yang di-Pertua,**

**Bagi menjawab soalan (a), berhubung dengan tempoh maksimum seseorang itu ditahan tanpa reman mahkamah, undang-undang yang terpakai seperti berikut:-**

- i) Di bawah **Seksyen 28 Kanun Tatacara Jenayah** yang menyatakan seseorang Orang Kena Tahan (OKT) boleh ditahan tidak lebih dari 24 jam bagi pihak polis menjalankan penyiasatan.
- ii) Di bawah **Akta Kesalahan Keselamatan (Langkah-Langkah Khas) 2012 (SOSMA)** di bawah **Seksyen 4 (4) SOSMA 2012** menyatakan mana-mana pegawai polis boleh menahan orang yang disyaki tidak lebih daripada 24 jam. Manakala **Seksyen 4 (5) SOSMA 2012** mana-mana pegawai polis yang berpangkat tidak kurang daripada Penguasa Polis boleh menahan orang yang disyaki tidak lebih daripada 28 hari.
- iii) Di bawah **Akta Pencegahan Jenayah (Pindaan dan Pemerluasan) 2013 (POCA)** **Seksyen 3(2)** menyatakan mana-mana pegawai polis boleh menahan orang yang disyaki tidak lebih daripada 24 jam. **Seksyen 4 (1)(a)** memperuntukkan OKT boleh ditahan tidak lebih daripada 21 hari oleh mana-mana pegawai polis tidak kurang dari pegawai berpangkat Inspektor. **Seksyen 4 (2)(a)(ii) POCA 2013**

**OKT boleh ditahan tidak lebih 38 hari oleh mana-mana pegawai polis berpangkat tidak kurang dari pangkat Penguasa Polis.**

- iv) Di bawah Akta Dadah Berbahaya (Langkah-Langkah Pencegahan Khas) 1985 menyatakan kuasa menahan OKT tanpa reman Mahkamah iaitu di bawah Seksyen 3 (2) boleh menahan OKT boleh sampai 60 hari. Seksyen 3 (2)(a) kuasa pegawai polis berpangkat tidak kurang dari Inspektor boleh menahan tidak lebih 24 jam, Seksyen 3 (2)(b) kuasa pegawai polis berpangkat tidak kurang dari Penolong Penguasa Polis boleh menahan tidak lebih daripada 48 jam. Seksyen 3 (2)(c) kuasa pegawai polis berpangkat tidak kurang dari Timbalan Penguasa Polis boleh menahan tidak lebih daripada 14 hari. Manakala kuasa selebihnya diberi kuasa Menteri bagi membenarkan menahan sehingga genap tempoh 60 hari.

**Bagi menjawab soalan (b), kuasa penahanan di bawah Seksyen 28 Kanun Tatacara Jenayah masih terpakai kepada siasatan di bawah Akta Hasutan 1948. Manakala Undang-Undang Pencegahan Jenayah Keganasan (POTA) 2015 juga memperuntukkan bahawa mana-mana orang yang ditahan akan di bawa ke hadapan Majistret bagi mendapatkan reman setelah tahanan dibuat melebihi 24 jam, di bawah Seksyen 3 (2) POTA 2015, Seksyen 4 (1)(a) tahanan dalam tempoh 21 hari dan Seksyen 4 (2)(a)(ii) tahanan dalam tempoh 38 hari.**